



zaterdag 15 maart 2014 11.00 uur

“ ozze meister is neet mieë ”

Vöäl van oos jonge loos hea vreuger de lés, neet eine kieër méh jekere daag en dat ei joar langk, vüer sommige nog langer, want noa dat hea van de liëger sjoal aaf woar gong hea de lés leaze op de Lagere Landbouwsjoal. En toch woare veer bliej wie hae innige jaore later get mieë tied kreeg om nao muziek te loestere. Mieë in 't biezonder noa ozze muziek. Want hea heel van Remigius, zoavöäl dat d'r Piet Muurdersj ziëlicher heum vroeg om iërelid te waere. Der meister zag joa en zoa heat hea os bienoa os leave langk gevolg. Mit eine griëmel op zie gezich. Hae genoot zeenderouge van wat ozze koar presteerde. Wie good of sjelech oos punte vreuger ouch woare, es iërelid van Remigius veulde hae zich herboare. Meistal woar d'r op jaarvergaderinge eine börgemeister, notaris of emes angesj dea vanoet de iërelede get zach. Waore die der neet dan woar 't d'r meister dea zich van die taak kweet. In de versjlage leus me dan: dhr. Rademakers sprak lovende woorden, of üever eine veurzitter: een voorzitter die niet van zitten houdt maar van doen, of een Generaal die voorop gaat en de soldaten die hem volgen. Noats hat eine van oos sjnaake, dich of doe teage heum gezach, 't woar d'r Meister en 't bleef d'r meister. Mit hiël vöäl respek van os, vüer wat hea os geliërd haw en eavevöäl bliedsjap es veer zooge dat hea genoot van wat viër mit oos sjtumme kooste.

Meister bedank veur wat diër os hôbt biegebrach en wie diër 35 jaor op os hôb gepas.

't Geit uch good bie Majke en alle angere dao baove